



## **Universitätsbibliothek Paderborn**

### **Metropolis Salisvrgensis**

Continens Fvndationes Et Erectiones Monasteriorvm, Et Ecclesiarum  
Collegiatarum, &c. per Boiarium, ac loca quædam vicina

**Hund, Wiguleus**

**Monachii, 1620**

Additiones.

**urn:nbn:de:hbz:466:1-13578**

positum huius Ecclesiæ; sedulus fuit & diligens in administratione: præfuit an. 13. mens. 2. Ob. VIII. Id. Sept. an. 1577.

HIEREMIAS Kirchmaier Bauarius huius loci Professus & Præpositus, vir religiosus & optimus Oeconomus, rexit an. 8.m. 3. d. 4. Ob. XIV. Cal. April. an. 1585.

ABRAHAMVS Anzengruber Austriacus, huius Ecclesiæ professus, electus est in Præpositum IX. Cal. Maij, an. 1585. sed post septennium dénum confirmatus est. præf. an. 14. m. 8. d. 11. rebus neque suis, nec Monasterij bene consuluit, quemadmodum euentus probauit.

MICHAEL Hererius Bauarius, artium Magister & professus in Bamberg. postulatus est in Præpositum huius Monasterij; mansit an. 3.m. 7.d. 26. & iterum resignauit anno 1603.

### NIDERBVRG MONASTERIVM MONIALIVM

#### NOBILIVM IN PASSAVV.

VTILO Dux juxta Danubium Patauiē Nidroburgium Monasterium construxit, dedicauit S. Pirminius, Meten, Episcopus, Virgines incolunt, circa Annum 739. Auent. fol. 291.

OTTO secundus Imperator hanc Abbatiam sui juris constructam & dedicatam in honore S. Dei genitricis, vna cum Walachunestorf, cæterisque omnibus pertinentiis, Piligrino Patauiē. Præfuli, ob constantem ipsius fidem, Imperatori in perturbatione Boiariorum, scilicet in rebellione fratruelis sui Heinrichi Hezelonis, Ducis Bauariæ, præstitam, ac damna hinc passa, remunerationis ergo, perpetuò ac penitus donatac tradit, precibus dilectissimi fratruelis Ottonis, Ducis Boiariorum, atque Wilhigisi Archiepiscopi scilicet Moguntensis, Anno Domini 976. Extat diploma ibi, de quo apud Patauienses Episcopos sub Piligrino.

HEINRICVS sanctus tum Rom. Rex, ob preces conjugis Kunegundæ & dilectissimi Ducis Hezelini, & in obsequium deuotum Heilke, diuæ genitricis Ecclesiæ dat partem syluæ Nortvvald, in Comitatu Adalberonis à fonte flumine Vlza vsq; ad terminum syluæ huius, vbi separat Bohemiam & Bauariam & decursum Vlcæ & Rotilæ vsque in Danubium. Datum 13. Calend. Maij Anno 1010. Guntherius Cancellarius vice Wilhigisi Archieapellani &c. Regane spurch. Extat diploma.

SEPVLTA est ibi in portico prædicta Heilka cum hac inscriptione: Anno 1020. in die S. Teckle virginis, obiit Heilka, amita S. Hein. Imper. prima Abbatisa huius Monasterij. Ibidem Anno 1095. Non. Maij obiit Gysala, S. Heinrici Imperatoris soror, vxor Stephani, Regis Vngariae, Abbatisa secunda huius loci, hic sepulta adito dextro latere, quæ tam viro quam filio orbata Patauiam in hoc Monasterium venit, in quo primum habitum monasticum assumpsit, paulo post Abbatisa designata, Monasterium præclarè illustravit & auxit.

IBIDEM in templo sepultus est Gregorius Episcopus, qui ex Oriente in Bauvorum yrbeam venit, ex Vngaria scilicet, vbi Eremiticam duxit vitam.

#### ADDITIO NE S.

EXlibro M. S. Decani Patauiensis anonymi: qui videtur fuisse Burckhardtus cognomento Krebs ex Herrnbergâ Würtenbergensis Ducatus oppido natus; qui anno 1438. Decanatu Patauiensi præfuit; obiitque anno 1462. sicque tempore Friderici III. Imp. Austriaci vixit. Ait enim plerisque in locis dicti sui libri membranacei, se cum Friderico III. Imperatore Austriaco Neapoli fuisse; Lacum Alemanum seu Gebennensem cum ipso non absque periculo vite transisse:

transiisse: & mandato Imperatoris huius de gestis, ortu & occasu Romanorum Regum scripsisse: Austria etiam Chronica de maternali lingua in Latinam trans-  
 tulisse. &c. Sané (inquit Decanus ille Patauiensis anonymous) cum illæ duæ Pan-  
 noniæ, media & superior, cum duabus Mæsiis, duabus etiam Liburniis, per bea-  
 toes Philippos Imperatores, patrem scilicet & filium, Laureacensi Metropoli in  
 massam substantiæ sint donatae, ut sibi crearet dicceses magis longas & plures,  
 & ea bona postmodum longè per barbaras nationes usque ad interitum delecta  
 fuerint, & prostrata: Idem Arnolphus Imperator., ad instantiam Archiepisco-  
 porum & Episcoporum Laureacen. & Pataueñ. taliter duxit patriæ prouiden-  
 dum, ut eideū per finitimos Episcopos, Salzburgen. videlicet, Saboneñ. Rhei-  
 tiarum siue Churién. Augusten. Frisingen. Aisteten. Herbipoleñ. Ratisponeñ.  
 ordinaretur militia cum militibus imperialibus, pro custodia deputatis ipsis  
 Metropolibus satis bonis redditibus, donec ipsa patria & Ecclesia ab insulto  
 conquesceret barbarorum. Quas possessiones infelices Archiepiscopi & Epis-  
 copi, vel potius idiotas posselores ipsarum possessionum, quia datâ patriâ, &  
 baptizatis Vngaris, ultimis videlicet barbaris, à succedentibus Imperatoribus  
 nec postularunt custodes huiusmodi ab ipsis possessionibus remoueri, nec in-  
 suis priuilegiis ab Imperatoribus & Regibus postmodum impetratis, pro priuilegio  
 huiusmodi aliquam fecere mentionem; sed quilibet eorum, ut aliquid vi-  
 deretur pro Ecclesia facere, causa jactantiae asserebat hoc & hoc à suo charissi-  
 mo Domino, tanquam rem nouam specialiter impetrasse. Quod per omnia  
 nostra priuilegia etiam per bullas aureas hodiè plene notatur. Nam longeante  
Abbatia in  
Nider-  
burg.  
 Sanctum Pilgrimum Archiepiscopum Patauiensem Abbatiola in ciuitate nostra  
 ab Episcopis & Canonicis fundata & dotata extitit, & tamen S. Pilgrimus eam à  
 quodam Imperatore Ottone obtinuit sibi dari. Et sic de omnibus successoribus  
 actum est, ut rem propriam postularent. Et hæc est causa quod Imperator in  
 Austria nihil habeat; sed nec Episcopi prælibati, nisi in quantum ab Patauiensi  
 Ecclesia possunt habere. Nam quod prius habere videbantur, occasione bar-  
 barorum, hodie causa cessante, cessat possessio eorundem. Sic & hoc menda-  
 cium est, quod quidam autumant, medium ciuitatem fuisse Imperatorum, &  
 ABBATIOLAM instituisse. Sed hoc verum est, quod ille Tyrannus & de-  
 structor Ecclesiæ olim Comes Schyrensis, Dux postea Tachavensis, de-  
 dum Vngarorum auxilio, cuius sororem Rex Petrus Vngariæ habebat in con-  
 jugio, Dux factus Bavvarorum, ambiens Imperium, destructis maioribus & mi-  
\* pro Cem  
tua Gel Co  
mitatus.  
Vid. Abbatis  
Frifergen.  
 noribus omnibus Ecclesiæ Bavvariorum, tunc & Abbatiam illam, & dimidiam ci-  
 uitatem abstulit Ecclesiæ Patauiensi, quæ \* Comitia tunc protendebatur usque  
 ad possessiones Ecclesiæ Altahensis, ut solidos multos possit acquirere militib⁹  
 tribuendos. Qui Arnoldus tunc temporis concessò sibi ab Imperio priuilegio,  
 ut Archiepiscopos & Episcopos, Abbates, & Abbatissas institueret, & desitueret,  
 pro suæ libitu voluntatis, eò amplius & facilius Ecclesiæ poterat dissipare.  
 Sed postmodum eo mortuo, Henricus Imperator qui dicebatur Claudus, patre  
 Hezelone natus, titus Sanctæ Kunegundis, ex Ducatu Bavvariorum ad Imperium  
 assumptus, cupit Ecclesiæ restaurare, quas Arnoldus Dux dissipauerat,  
 Ecclesiæ Bambergensi quæ de novo construxerat, in possessiones propter Chri-  
 stum & beatum Georgium est largitus; sed minimè de possessionibus Imperij  
Fulden. illi Ecclesiæ dedit, possessiones etiam Ecclesiæ Herbipolensi & Vultensi, Aiste-  
 tensi plurimas donauit: bona etiam Patauiensis Ecclesiæ quæ in regali curte O-  
 sterhofen ad CC. mansus habuit, dedit Ecclesiæ Bambergensi: item Comitatum  
 nostrum cum possessionibus ab Hiltsa flumine usque ad flumen Regem dona-  
 uit similiter Ecclesiæ Bambergensi: item possessiones in Assab, quæ tunc habe-  
 bant

bant multa telonia & passagia versus Bohemiam, Austriam & Bavariam, cum aliis bonis vicinis abstracta ab Ecclesia Patauiensi, Bambergensi est largitus. Et ut eandem Ecclesiam videretur placasse, particulam ciuitatis, quā Patauiensis Ecclesia per Arnoldum spoliata fuerat, ipse restituit. Hic surgit quæstio Dominarum inhabitantium ibidem, quod non fuerit Patauiensi Ecclesia restituta, sed potius illis data. Quæ contentio multis annis durauit, pro eo quod in quilini sorores & nepres intrudentes in eandem, bona ipsorum suis vīsibūs applicabant. Hæc tamen quæstio diutius agitata nunquam potuit terminari, neque probari: cum Dominæ super hoc priuilegia non haberent, vnde stulti multi stulta multa loquuntur. Nam Tassilo primus Rex Baioriorum ante multa tempora Regum & Imperatorum Carolingorum Patauiensem urbem, & postmodum longo tempore eius abnepos Vtilo Dux Baioriorum ipsam restituit, cum omnibus appendicis omni tempore ad vnam diætam, cultis & incultis, primum Ecclesia Laureacensi. Vnde in tumba marmorea, in qua jacuerat ante translationem, beatus Philippus Augustorum munus, Romæ Epitaphium meminime legisse: HIC BEATVS PHILIPPVS Augustorum munus, qui donauit Metropoli Laureacensi patrimonium suum à vallo Syllano versus occidentem usque ad flumen Lycum, in limite Danubij fluminis versus Septentrionem quolibet loco ad C. XX. millaria legalia, & totidem versus Austrum. Nec est aliquatenus dubitandum, quod hanc massam possessionum hodie Ecclesia Laureaceæ obtineret, nisi obstat iffer impetus barbarorum, quorum nequitia faciente hodie status diuersarum Ecclesiarum claudicar bonis omnibus vacuata, &c.

*Diploma Arnolphi Imperatoris super Abbatia in Niderndenburg Passauj.*

**I**n nomine sanctæ & indiuividuæ Trinitatis. Arnolphus Rex. Comperiat omnium fidelium presentium scilicet & futurorum industria, qualiter quidam Comes nomine Adalhart, precatus est clementiam nostram, vt cuidam homini suo Engelfrid vocato, quasdam res, quas ipse prius in beneficio habebat in Comitatu Chuncberti, in pago Thunagovve, in villa Wolfersdorff nuncupata, id est, hubam vnam in proprium donaremus. Cuius petitioni liberter, ob mercedis nostræ augmentum, assensum præbentes, decreuimus ita fieri. Dedimus quoque eidem viro præscriptam hubam cum yniuersis appendicis suis, diebus suis in proprietatem, hoc est, curtem cum casa & mancipiis, agris, pratis, paescuis, sylvis, aquis, aquarumue decursibus, mobilibus & immobilibus, viis & intuiis, accessibus & regresibus omnibus ut adjacentiis illuc justè aspicientibus, & iustissimus inde hoc nostræ authoritatis fieri præceptum, per quod decernimus atque jubemus, vt jam dictus Engelfrid de his omnibus securam habeat potestatem cunctis diebus vita sua, sine vila census stricturâ, & post obitum illius posteri sui cum tali seruicio, sicut ante a ex eadem huba priores fecerant, vnius ad potestatem monasterij sancte Mariæ Patauiæ construti ex tota integritate possessionis sue redigantur. Et vt hæc authoritas nostra firmior habeatur & diligenter obseruetur, manu nostra subtus eam firmauimus, & annuli nostri impressione signauimus.

Signum Domini Arnolphi piissimi Regis. Aspertus Cancellarius ad vicem Deotmari Archicapellani recognoui. Datum VI. Idus Februarij Anno incarnationis Domini M. D. CCC. LXXXVIII. Indict. VI. Año I. regni Domini Arnolphi regis. Actum in ciuitate Regina, in Dei u nomine feliciter, Amen.

Diploma

ML. 31027

## Diploma Ottonis II. super eadem Abbatia.

**I**N nomine S. & indiuiduę Trinitatis. Otto diuina fauente clementia Imperator Augustus. Pateat omnium fidelium nostrorum tam præsentium quam futurorum industrie, qualiter vir spes etabilis Pilgrinus sancta Patauiensis Ecclesiae Præfus venerandus, partibus nostris fauens pro viribus, fide inconcussa, in perturbatione atque vacillatione Baioariorum ab aduersariis pernicioſa perſecutione, tam incendiis quam in interfectione familiæ deuastatione non paruum Episcopij sui perpeſsus est iacturam. Cuius fidem atque constantiam aequum duximus remunerare, & Ecclesiasticę desolationi regi munificentia ſolamen aliquod impendere. Vnde etiam non solum eius moti querelis, sed & alubentes precibus dilectissimi fratruelis nostri, Ottonis Duci videlicet Baioariorum, atque Willigisi Archiepiscopi, quandam nostrijuris Abbatiolam infrà territorium ſitam Patauiensis ciuitatis, quæ eſt in honore sanctæ Deigenitris Mariae conſtructa & dedicata, cum Walahunesdorf, ceterisque omnibus appendiciis, ad jam dictam Abbatiolam justè & legaliter pertinentibus, item cum Ecclesiis, & aedificiis, omnibusque decimationibus, cum terris & aquis, cultis & incolitis, villoſis, vineis, campis, paſcuis, pratis, ſyluis, nemoribus, aquis aquarumque decursibus, molendinis, pificationibus, mancipiis utriusq; ſexus, quæſitis & inquirendis, ex toto & integro, de jure & donatione noſtra eidem, Patauieñ. Eccleſię S. Stephani protomartyris Christi, per hoc præſens authoritatis noſtræ præceptum pleniter in Christi nomine confirmatum donamus, tradimus, atque transfundimus, eo videlicet tenore, ut ipsa ſecuriter, absque alii cuius personæ contradictione atque moleſtia, more hæreditario perpetualiter in proprium teneat, atque poſſideat. Et ut hec prædicta fidei & firmitatis remuneratio, authoritatisque noſtræ donatio veriorem firmioremque à cunctis fidelibus noſtris perpetualiter habeat vigorem, jussimus hanc chartam conſcribi, & ſigillo noſtro ſigillatam manu propria ſubtus firmauimus.

Signum Domini Ottonis Imperatoris Auguſti. Engelpertus Cancellarius  
Vid. Tom. 2. Metr. p. 282. ad vicem Willigisi archicapellani notaui. Datum XI. Cal. Auguſti, anno domini  
 nicæ incarnationis DCCCC. LXXVI. Indict. IV. Anno vero regni Domini Ottonis Imperatoris Auguſti XV. Imperij autem IX. Actum Ratiſpona; in Christi nomine feliciter, Amen.

Catalogus Abbatissarum Monasterij S. Crucis in Nidernburg Patauij, quarum memoria ē monumentis antiquis, & ruderibus Cœnobij istius iteratis vicibus igne combuſti, erui potuit.

## THECLA.

HEILICA, S. HENRICI Imp. restauratoris & quodammodo alterius fundatoris huius Monasterij ex fratre neptis: (ſi habet Catalogus à moderna Monasterij huius Abbatissa Dn. Dorothea Renata mihi transmissus: sed malim legere amita, licet in Cod. Dn. Hundij impresso, errore typographi irreperſerit verb. amica) quæ inter homines eſſe deſiit an. Dn. 1020.

Vid. R. P. Radet. SS. BANAR. Tom. II. Amentin. Annal. Boior. V pag. 419. v. 20. Basil. edit. an. 1045. Numerant aliqui inter Abbatissas Monasterij Nidernburg S. GISALAM Henrici Hezilonis Boiorum Principis filiam, S. Stephani Hungar. Regis conjugem; S. Imperatoris Henrici ſororem; filij Emeramai Sancti matrem: & banc an. 1095. defunctum aiunt, neutrum ego sine teste affirere velim; Auentinum fecutus, cuius de sancta noſtra hec ſunt verba: Cæſar (Henricus III.) ex Vngaria reuerſus ſecum Gisalam reginam uxore m

CVNZA.

VTA.

MERGARDIS.

ALHARDIS.

GERDRUDIS.

SOPHIA. vxorem D. Stephani abducit, Bathauię, vbi in templo sa-  
MATHILDIS. crarum fœminarum eius Mausoleum ostenditur, ab Vgris  
TVTA. venerabundis aditum, collocavit.

RILINT. Redacto in Cineres Monasterio, & eò miseriarum perducto, quod Abba-  
tissæ pro dignitate nominis statusque sui viuere ex redditibus nequirent: consti-  
tuunt ad tempus loco fuerunt Decanis, nimisrum

VRSVLA de Ramsdorf, quæ Ob. an. 1463.

MARGARETHA Mautnerin de Kazperg el. an. 1466. mortua, an. 1480.

BARBARA à Tannberg, sufficta an. 1481. dū extremū clausit an. 1494.

VRSVLA à Schönstain eodem an. 1494. Decanatum suscipiens Abba-  
tissæ proclamatur, an. 1501. quod munus tanta industria & dexteritate obiuit,  
ut jure optimo Monasterium & Ecclesiam in Nidernburg, quasi de nouo consti-  
tuisse audiat. Ob. an. 1513.

BARBARA Mautnerin de Katzenpergel. an. 1513. Ob. an. 1532. prælature  
19. ætat. 62.

BRIGITHA de Seiboltsdorf in regimine successit an. 1532. decepsit die  
17. Nouembris. an. 1543. ætat. 48.

BENIGNA Zengerin eod. an. Abbatissæ declarata, Ob. 1546.

MARETA de Closen el. an. 1546. def. an. 1551.

HELLENA à Schyvarzenstain, vita & regimine defungitur an. 1552.

MARGARETHA de Laiming, Ob. an. 1557. ætat. 75.

CHVNEGUNDIS à Puchperg bene & utiliter præfuit annis triginta o-  
cto, Monasterio, quod multis præclaris ædificiis ornauit, def. 1594. ætat. 56.

BRIGITHA de Hauzenperg, munere suo aliquot annis optime perfun-  
cta, tandem viribus deficiens, locum dat.

DOROTÆ RENATÆ moderne Abbatissæ, quæ ab annis decem &  
octo laudabiliter præst.

### Nider Münster zu Regensburg.

INFERIVS Monasterium Ratisbonense, Nobilium virginum Collegium, vt  
de superiori Monasterio scripsi, institutum per Iuditham, filiam Arnoldi Ma-  
li, Ducis Bauariæ, vxorem Heinrici primi, Ducis Bauariæ, ex gente Saxonum,  
fratris Ottonis primi, & Magni Imperatoris, rarae pulchritudinis & pudicitia fœ-  
minam, quæ Reginoburgij sacrarum fœminarum contubernium, quod inferi-  
us vocant, extruxit, vbi eius mausoleum in aditu monstratur. Hoc testantur di-  
plomata Ottonis primi Imperatoris Magni, qui aliqua prædia & curtes dono  
dedit, necnon Heinrici sancti; quorum tenor mox sequitur.

D. RATHO Damasianus Comes, eo tempore Orientalis Boiariæ, nunc Au-  
striæ Marchio, cum hac Iuditha supplici gratia Hierolymam profectus est.

I BIDE M sepulta est D. Gisala, vxor Heinrici secundi, Ducis Bauariæ, ma-  
ter Heinrici sancti Imperatoris, vt testatur crux aurea, à filia huius Gisalæ, Regi-  
na Vngariæ donata, Auentin. fol. 500.

DOCTOR Laurentius Hochvart, Canonicus Ratisponensis & Patauiensis, su-  
præ etiam citatus, vir sanè, vt ab amico nostro Wolphango Hungero in annota-  
tionibus super Cuspiniani Cæsares verissimè commendatur, tūm sacrarum,  
tūm humaniorum literarum benè doctus, & veterum monumentorum audif-  
fimus inquisitor, in Chronica sua Episcoporum Ratisbonensium (quame in de-  
scriptione Episcoporum Ratisbonensium non parum fuisse adjutum ingenuè  
profiteor) hoc Monasterium scribit extuctum esse, Anno Domini 900.

*Metrop. Salisb. Tom. II.*

Ddd

DIPLO-

*Ex Conve-  
do de Mai-  
denburg.*

*Anent. lib.  
s. in princi-  
pio.*